

Quinta Urbs

T E N G C H E V.

Sixus.

Quartus Tengcheu urbis territorium maxima ex parte continens sit, ipsa tamen urbs in Insula nonnihil à continentis disjuncta sita est, ubi commodissimus portus, magnaque Sinarum classis & præsidia: nam ad Çang Sinus custodiam opportuno jacet loco, regit urbs civitates octo, earum, 1 Tengcheu, 2 Hoang, 3 Foxan, 4 Leuhia, 5 Chaoyuen, 6 Laiyang, 7 Ninghai o, 8 Venteng. In divisione Yvi hæc regio Provinciæ Cingcheu adnumerata, sub asterismis, quibus prior: olim Gaoy populus hic habitabat, nondum Sinis subjectus, quod factum sub Hiaa familia, Regum tempore fuit regni Ci, hodierum nomen à Tanga familia est, tria sunt nobiliora fana, & quod visu rarum, arundines hic sunt quadratæ præter naturæ ordinem, quæ in rotundum pleraque efformat. Ostrea hic copiosa helluorum delicie. Nieuhoang lapis Vaccinus etiam hic reperitur.

*Montes insigniores.**Flumina.*

Tengheng mons ad Boream urbis situs, à clade quam Hansinius Ci Regi intulit, celebris: Chifeu mons prope Foxan ad modum Isthmi in mare tendit. Cheuy mons etiam ad Boream urbis, à quo mare subit rotundus lapis, qui à Sinis Chu, hoc est unio, vocatur.

Mare urbem Tengcheu ab ortu, occasu & Borea attingit. Prope Laiyang lacus est Hiyang: naturæ prodigium est fons Hanuen, ex quo simul calida & frigida emanat, unde fonti nomen, est prope Chaoyuen.

Sexta Urbs

L A I C H E V.

Urbis hujus nomen ab antiquissimis Lai populis ortum est, quos Ci reges sibi subdiderunt, dein exstinctis regibus Hana familia Tunglai dixit, at simul hodierum fere semper mordicus tenuit nomen. Urbis regio jacet in promontorio, cuius tres partes mare, unam montes claudunt. Septem sub ea sunt civitates, 1 Laicheu, 2 Pingtu, 3 Vi, 4 Changye, 5 Kiao o, 6 Caomie, 7 Cie me. quinque sunt illustrio-

ra fana. adhæc circumcirca multa munimenta ad maris littora. Yvus hæc eodem loco statuit, quo priora.

Hoang mons est ad austrum urbis, cui *Montes insigniores.* virgo quædam Hoang dicta nomen dedit, virginis quippe ibi dicatum fanum est in ilius virginitatis memoriam; in littore maris prope Kiao civitatem mons est Tachu, & prope Cieme Lao mons etiam versus mare procurrit.

Mare ad Borealem partem urbeum ingreditur, & civitatem Changye, Vi, Kiao, Cieme attingit: ut cætera omittam, duo fere tantum occurunt flumina notatu digna. Primum est Kiao amnis prope Pingtu dictus quasi amnis glutinis, quod viscosam ac turbidam vehat aquam: secundus est amnis vi prope Caomie, nam ille est, quem fassis arena repletis stitit Hansinius, & ita hostibus magnam intulit stragem, ut fusius narro in mea Epitome. Est & fons optimæ aquæ prope Pingtu, qui Seúyo vocatur.

Insulae.

Numerat etiam hæc Provincia Insulas quasdam, quas mappa notat. nobiliores sunt sequentes, 1 Feýeu ad occasum non magna quidem sed culta tota. 2 Tienheng Insula in mari prope Caomie. hæc illa est, ex qua quingenti Philosophi ob XII Imperatoris in litteras odium in mare se dedere præcipites, ut mea docet Epitome. Xamuen Insula incolis frequens omnium maxima est in sinu Çang, ubi commodissima navium statio, ex qua in Coream, Peking & Leotung facilis est trajectus, maximeque opportunus ad magnas expeditiones locus, candem auro esse ditissimam scribunt, & fodinas habere insignes, custoditas tamen, ne quis ibi fodiat.

Munimenta.

Unicumque maris recessus est, aut navium statio, præcipue ad fauces fluviorum erecta fere sunt munimenta, saepe adeo magna ut populi frequentia magnas saepe civitates æquent. eorum hæc sunt nomina, 1 Ningcing, 2 C'inghai, 3 Chingxan, 4 Gueihai, 5 Sanxan, 6 Kixan, 7 Civenxan, 8 Mauan, 9 Siaoye, 10 Haiçang, 11 P'unglai, 12 Chin, 13 Xechin.